

86. Deinde Christianismi conditio, dirã servitute oneratur, imò in merum Iudaismum hoc pacto convertitur: id quod præcedente disputatione de Traditionibus humanis in Ecclesia fufius fuit ostensum.

87. Tum Libertatis Christianæ privilegia enervantur, quando hominum mandatis, vel cum opinione cultus divini: vel cum timore peccati & anxietate conscientiæ servire Christiani necessum habent.

88. Vult autem DEVS libertatis Christianæ beneficium illibatum in Ecclesia retineri, dum seridò præcipit ut in libertate, in quam per Christum asserti sumus, stemus constantes, nec eã nos spoliari patiamur. Gal. 5, 1. Cor. 7, 23.

Pars II. Articuli Avz. Jελικη.

89. Questionis primæ veriorem & Orthodoxam doctrinam corrumpunt tum Anabaptistæ, tum Monachi, quorum illi Christianis civilia officia prorsus interdiciunt: hi verò perfectionem Evangelicam non collocant in timore DEI, & fide, sed in deserendis civilibus officiis.

90. Prior ille error manifestã impietate laborat, dicam nimirum scribens expressis scripturarum testimoniis, quæ res civiles esse bonas, licitas, & DEI approbatione confirmatas dilucidè demonstrant: uti patet ex questionis primæ decisione. Poste